

NÓTA FAISNÉISE

SCÉIMEANNA IONCHORPRAITHE CUIDEACHTAÍ (*FÉ PHRÁINN agus AI Ar Líne*)

Tá scéim ionchorpraithe cuideachta á fheidhmiú ag an CRO (ar a dtugtar scéim “*Fé Phráinn*” agus scéim “*AI Ar Líne*” a dhéanann ionchorprú na gcuideachtaí a éascú a theastaíonn ó thionscnóirí na cuideachta iad a úsáid láithreach chun críocha tráchtála. Faoi na scéimeanna seo, tugann an CRO rátháocht do na rannpháirtithe go soláthrófar Deimhniú Ionchorpraithe dóibh tráth nach déanaí ná deich lá oibre i gcás Fé Phráinn agus cúig lá oibre i gcás *AI Ar Líne* ó na doiciméid ábhartha a thaisceadh leis an CRO, ar an gcoinníoll go mbíonn siad comhlánaithe i gceart. Baineann na scéimeanna le **cuideachtaí príobháideacha faoi theorainn scaireanna (TEO/CGA), cuideachtaí neamhtheoranta agus cuideachtaí faoi theorainn rátháíochta**. Maidir le scéim *AI Ar Líne*, tá ceanglas ann nach mór scairchaipiteal na gcuideachtaí atá le hionchorprú a ainmniú in Euro amháin.

Scéim páipéarbhunaithe is ea Scéim Fé Phráinn agus is scéim hibrid ríomhchomhdúcháin /comhdúcháin páipéir í scéim *AI Ar Líne*. Tionscnóirí cuideachta a roghnaíonn páirt a ghlacadh sna scéimeanna, éilítear orthu dréacht-bunreacht nó dréacht Mheabhrán agus dréacht-Airteagail Chomhlachais a sheoladh chuig CRO le haghaidh faofa. Agus iad faofa, déanann an t-iarratasóir an dréacht a phriontáil, de réir sonraíochtaí na CRO, agus úsáidfear é mar bhuntéacs le scrúdú a dhéanamh ar na hiarratais ar fad as sin amach. Coimeádann an CRO cóip de leagan priontáilte an bunreacht nó Mheabhráin agus na nAirteagal le cur i gcomparáid leis na hiarratais a fhaightear ó rannpháirtithe. Déantar é seo lena chinntiú nach n-athraítear na hábhair ó iarratas amháin go chéile.

Níl an gnáthleibhéal cúraim riachtanach do chuideachtaí atá comhdaithe faoi na scéimeanna mar rinneadh, in éifeacht, seiceáil orthu roimhe, rud a chuidíonn le deimhnithe a eisiúint laistigh den teorainn deich/cúig lá oibre.

Is é cuspóir na scéimeanna cabhrú le tionscnóirí cuideachta a theastaíonn ionchorpraithe tapa uathu, agus dá bhrí sin, ní féidir an téacs ceadaithe a leasú gan cead a fháil roimh ré ón CRO. Tugtar breac-chuntas ar na coinníollacha a bhaineann le páirt a ghlacadh sa scéim ar an bhfoirm iarratais atá faoi iamh.

Is féidir sonraí breise ar na scéimeanna agus foirmeacha iarratais a fháil ag Rannán Cuideachtaí Nua de chuid CRO ag (01) 8045384 nó (01) 8045277/5381.

SCÉIM IONCHORPRAITHE CUIDEACHTA (*FÉ PHRÁINN*)

Coinníollacha na Scéime Ionchorpraithe Cuideachta

- Ní mór an Bunreacht nó Meabhrán agus na hAirteagail a phriontáil i gcló dubh soiléir ar pháipéar buan. Ní mór leathanaigh A4 a úsáid ((210mm x 297mm).
- Ní féidir an bunreacht nó meabhrán agus na hairteagail priontáilte a athrú a luaithe is a dhéanann an CRO iad a cheadú agus a choimeád, ach amháin nuair a chuirtear an príomhchlásal cuspóra agus sonraí an scairchaipitil isteach.
- Ní cheadaítear príomhchlásal de bhreis is daichead focal a chur isteach agus ba chóir dhá ghníomhaíocht ar leith a áireamh ar a mhéad. Ní mór don phríomhghníomhaíocht bheith inchurtha leis an gcód NACE a leagtar amach san iarratas, Foirm A1.
- Ní féidir an scéim a úsáid le cuideachtaí a fhoirmiú nach mbíonn ag teastáil ar an bpointe le haghaidh úsáide tráchtála ag a dtionscnóirí.
- Mura ndéantar na foirmeacha tacaíochta a chomhlánú i gceart, seolfar an doiciméadú ar ais ar an bpost agus glacfar leis mar iarratas nua, nuair a dhéantar é a ath-thaisceadh leis an CRO.
- Ní mór do ghníomhairí a chinntiú go ndéanfar na bileoga faisnéise ar fad a eisítear chuig an ngníomhaire ón CRO, in éineacht leis an Deimhniú Ionchorpraithe, a chur ar aghaidh chuig a gcliaint.
- Ní mór do dhuine a chuireann iarratas isteach ar pháirt a ghlacadh sa scéim agus a thrádálann faoi ainm gnó, a (h)ainm gnó a bheith cláraithe aige/aici ar dháta an iarratais agus ní mór dó/di an t-ainm sin a choimeád feadh thréimhse a c(h)omhaltachta.
- Ní mór do chuideachta a chuireann iarratas isteach ar pháirt a ghlacadh sa scéim na riachtanais chomhdaithe a bhaineann le tuairisceán bliantúil a chomhlíonadh, faoi Acht na gCuideachtaí 2014 feadh thréimhse a comhaltachta.
- I gcás nach gcloítear le ceann ar bith de na pointí thuas, is féidir leis an CRO deireadh a chur láithreach le comhaltacht an láithreora agus i gcás den sórt seo, cuirfidh sí an fhaisnéise seo in iúl i scríbhinn chomh maith leis an gcúis/na cúiseanna dó.
- Beidh an CRO ina eadránaí deiridh, i ngach ní, ar léirmhíniú na gcoinníollacha seo.
- Ní chruthaíonn Ballraíocht scéim ‘Fé Phráinn’ comhpháirtíocht, caidreamh, gníomhaireacht nó comhfhiontar d’aon chineál idir an Oifig um Chlárú Cuideachtaí agus Comhalta.

- **Ní thabharfaidh Comhalta scéim ‘Fé Phráinn’ le tuiscint go bhfuil sé bainteach leis nó ag gabháil leis an Oifig um Chlárú Cuideachtaí nó go bhfuil sé ag déanamh ionadaíochta di nó eile. Gan teorainn an méid roimhe seo, ní úsáidfidh Comhalta scéim ‘Fé Phráinn’, nó ní dhéanfaidh sé tagairt don CRO agus/nó dá lógó ar a láithreán gréasáin nó i bhfógraíocht, margaíocht, litríocht tionscnaimh nó preaseisiúint nó ráiteas ar bith gan toiliú i scríbhinn a fháil roimh ré ón CRO.**

GLACADH LEIS NA COINNÍOLLACHA

Ainm na cuideachta: _____

Seoladh: _____

Uimh. Theileafóin: _____

Síniú: _____ **Dáta:** _____